

**«ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆ» ՀԻՄՆԱԴՐԱՄԻ
ԳԻՏԱԿԱՆ ԽՈՐՀՐԴԻ
ՈՐՈՇՈՒՄ**

Արձանագրություն թիվ 13
29.08.2024թ.

1. ՀԱԱՀ դասախոսական կազմի ուսումնական բեռնվածության հաշվարկի նորմերում առաջարկվող փոփոխությունների վերաբերյալ.

1.1. Հաստատել ՀԱԱՀ դասախոսական կազմի ուսումնական բեռնվածության հաշվարկի նորմերում առաջարկվող փոփոխությունները:

Դասախոսության համար ձևավորել խմբեր.

- Մինչև 60 ուսանող - առկա, հեռակա ուսուցման համակարգերում (բակալավրիատ, մագիստրատուրա),

- Մինչև 25 ուսանող – քոլեջում:

Առարկայական ծրագրերի նմանության դեպքում հոսքի մեջ թույլատրել ընդգրկել տարբեր կրթական ծրագրերի ուսանողների:

Գործնական պարապմունքի համար ձևավորել խմբեր.

- Մինչև 30 ուսանող - առկա, հեռակա ուսուցման համակարգերում (բակալավրիատ, մագիստրատուրա),

- Մինչև 20 ուսանող – առկա և հեռակա ուսուցման Անասնաբուծություն և Անասնաբուծական սանիտարական փորձաքննություն կրթական ծրագրերի դեպքում (բակալավրիատ, մագիստրատուրա),

- Մինչև 15 ուսանող – քոլեջում,

- «Ֆիզիկական կուլտուրա» առարկայի դեպքում՝ աշխատանքային անվտանգության պայմաններն ապահովելու նպատակով՝ մինչև 15 ուսանող յուրաքանչյուր խմբում (առկա բակալավրիատ, քոլեջ):

Լաբորատոր պարապմունքի համար ձևավորել խմբեր.

- Մինչև 17 ուսանող - առկա, հեռակա ուսուցման համակարգերում (բակալավրիատ, մագիստրատուրա, քոլեջ) ոչ մասնագիտական առարկաների դեպքում,

- Մինչև 10 ուսանող – առկա, հեռակա ուսուցման համակարգերում (բակալավրիատ, մագիստրատուրա, քոլեջ) մասնագիտական առարկաների դեպքում (աշխատանքային անվտանգության պայմաններն ապահովելու նպատակով):

Ինքնուրույն աշխատանքի համար կիսամյակի ընթացքում դասախոսին հատկացնել 1 ժամ՝ 2 ուսանողի համար:

Ամբիոնի վարիչի լսարանային ծանրաբեռնվածությունը սահմանել.

- 0,25 հաստիք, եթե տվյալ ուսումնական տարվա ընթացքում իր ղեկավարած ամբիոնը պատասխանատու է 61-ից ավելի քոլեջի, բակալավրիատի ավարտական աշխատանքի (դիպլոմային նախագծի) և/կամ մագիստրոսական թեզի պատրաստման համար և ամբիոնի վարիչը ներգրավված է գիտական գործունեության մեջ. կամ բարձր վարկանիշ ունեցող գիտատեխնիկական շտեմարաններում Սկոպուս (Scopus) և Վեբ

օֆ Սայնս (Web of Science) Q 1-Q 4 քառորդներում վերջին երկու տարում ունի տպագրված առնվազն 1 հոդված՝ հանդես գալով ՀԱԱՀ -ի անունից:

- 0,5 հաստիք, եթե տվյալ ուսումնական տարվա ընթացքում իր ղեկավարած ամբիոնը պատասխանատու է 11-60 քոլեջի, բակալավրիատի ավարտական աշխատանքի (դիպլոմային նախագծի) և/կամ մագիստրոսական թեզի պատրաստման համար և/կամ ամբիոնի վարիչը ներգրավված է գիտական գործունեության մեջ:

- 1,0 հաստիք, եթե տվյալ ուսումնական տարվա ընթացքում իր ղեկավարած ամբիոնը պատասխանատու է մինչև 10 քոլեջի, բակալավրիատի ավարտական աշխատանքի (դիպլոմային նախագծի) և/կամ մագիստրոսական թեզի պատրաստման համար (այս դրույթը վերաբերվում է նաև գիտական գործունեության մեջ չներգրավված սպասարկող ամբիոնների վարիչներին:

1.2. Հանձնարարել Որակի գնահատման և ապահովման կենտրոնի տնօրեն Ա. Դաշտոյանին ուսումնական ստորաբաժանումների հետ քննարկել և սեղմ ժամկետում ներկայացնել կրթական ծրագրերի և ուսումնական պլանների փոփոխությունների վերաբերյալ առաջարկությունների հիմնավորումներ:

2. ՀԱԱՀ ուսանողների գիտելիքների ստուգման և գնահատման կանոնակարգում առաջարկվող փոփոխությունների վերաբերյալ.

2.1. Հաստատել ՀԱԱՀ ուսանողների գիտելիքների ստուգման և գնահատման կանոնակարգում առաջարկվող գիտելիքի գնահատման բազմագործոնային համակարգի փոփոխությունները:

**Առկա և հեռակա ուսուցման ձևերում
գիտելիքների ստուգման և գնահատման բաղադրիչները**

Բաղադրիչ	Մասնաբաժինը, %	
	Առկա ուսուցման ձևում	Հեռակա ուսուցման ձևում
Հաճախումներ	15	15
Իքնուրույն աշխատանք	30	30
Միջանկյալ քննություն/ընթացիկ ստուգում	25	-
Ամփոփիչ քննություն/ամփոփիչ ստուգում	30	55

2.2. ՀԱԱՀ ուսանողների գիտելիքների ստուգման և գնահատման կանոնակարգի 2.12 կետը խմբագրել հետևյալ բովանդակությամբ. «Ինքնուրույն աշխատանքի հանձնումն ու պաշտպանությունը կազմակերպվում է կիսամյակի ընթացքում: Առարկայի քննությունից 3 օր առաջ արդյունքները պետք է մուտքագրված լինեն e-Buh հարթակ»:

3. ՀԱԱՀ 2024-2025 ուստարվա ուսման վարձավճարների հաստատման հարցի վերաբերյալ.

3.1. Հաստատել ՀԱԱՀ 2024-2025 ուստարվա վճարովի ուսուցման համակարգի բակալավրիատի և միջին մասնագիտական ուսումնական հաստատությունների

ուսանողների, մագիստրատուրայի և ասպիրանտուրայի ուսումնառողների ուսման վարձավճարի չափերն ըստ կրթական ծրագրերի և/կամ մասնագիտությունների:

4. ՀԱԱՀ մեթոդական խորհրդի դրական կարծիքով գիտական խորհրդի հաստատմանը ներկայացված հարցերի հաստատման վերաբերյալ.

4.1. «Գյուղատնտեսական կենդանիների և մշակաբույսերի գենային ինժեներիա և կիրառական կենսատեխնոլոգիա» ուսումնական ձեռնարկը երաշխավորել հրատարակման (հեղինակներ՝ Մ.Վ. Բադայան, Տ.Բ. Ալոյան, Վ.Թ. Դիլանյան):

4.2. 031802.00.7 «Ագրոէկոնոմիկա» մասնագիտության, 031802.04.7 «Ագրարային մենեջմենթ» միջազգային մագիստրոսական կրթական ծրագրի ուսումնական պլանում կատարել կիսամյակների տեղափոխություն:

4.3. Հաստատել Գեո-ինֆորմացիոն տեխնոլոգիաների ոլորտում համատեղ ասպիրանտական կրթական ծրագրի ուսումնական պլանը:

4.4. Հաստատել 071804.00.6 «Ագրարային ճարտարագիտություն» մասնագիտության, 071804.02.6 «Հողային և ջրային ռեսուրսների ճարտարագիտություն» բակալավրի կրթական ծրագրի ուսումնական պլանում առաջարկվող առարկաների տեղափոխությունն ըստ կիսամյակների:

4.5. 072101.00.7 Պարենամթերքի տեխնոլոգիա» մասնագիտության, 072101.01.7 «Պարենամթերքի տեխնոլոգիա» մագիստրոսական, 084101.00.6 «Անասնաբուժություն» մասնագիտության, 084101.01.6 «Անասնաբուժություն» բակալավրի մասնագիտական կրթական ծրագրերը վերանայել ու ներկայացնել գիտական խորհրդի հաջորդ նիստի հաստատմանը:

5. ՀԱԱՀ հեռակա ուսուցման համակարգի ուսումնական պլաններում փոփոխություն կատարելու անհրաժեշտության հարցի վերաբերյալ.

ՀԱԱՀ հեռակա ուսուցման ձևի ուսումնական պլանների 9-րդ կիսամյակում արտադրական պրակտիկայի ժամկետը սահմանել 6 շաբաթ:

6. ՀԱԱՀ-ում թեկնածուական մինիմումներ հանձնելու համար սահմանված վճարը վերանայելու հարցի վերաբերյալ.

Այլ կազմակերպություններում հետազոտողի կրթական աստիճանում ուսումնառողները ՀԱԱՀ-ում թեկնածուական մինիմում հանձնելու համար վճարում են 18 հազար դրամ մեկ առարկայի համար:

7. ՀՊԱՀ գիտական խորհրդի 2006 թ. հունիսի 1-ի որոշումը վերանայելու հարցի վերաբերյալ.

Միջին մասնագիտական կրթական աստիճանից բակալավրիատ տեղափոխված ուսանողների առարկայական տարբերության մեկ ժամի համար վճարը սահմանել 1000 դրամ:

8. «21AG-4D065» ծածկագրով գիտական թեմայի 2023-2024թթ միջանկյալ հաշվետվության հաստատման հարցի վերաբերյալ.

Հաստատել 21AG-4D065» ծածկագրով «Գյուղատնտեսական կենսատեխնոլոգիաներ՝ ջերմային սթրեսի կարգավորումը ձկների և ընտանի թռչունների մոտ» գիտական թեմայի միջանկյալ հաշվետվությունը և երաշխավորել ՀՀ ԿԳՄՍՆ

բարձրագույն կրթության և գիտության կոմիտե ներկայացնելու համար (թեմայի ղեկավար՝ Աստղիկ Փեփոյան):

9. ՀԱԱՀ Անասնաբուժական բժշկագիտության և անասնաբուծության ֆակուլտետի Կենդանագիտության և մորֆոլոգիայի ամբիոնի ասպիրանտ Միքայել Միքայելյանի՝ «Ասպիրանտների և երիտասարդ հայցորդների հետազոտությունների աջակցության ծրագիր - 2025» մրցույթին ներկայացված գիտական թեմայի հայտի երաշխավորման հարցի վերաբերյալ.

«Ասպիրանտների և երիտասարդ հայցորդների հետազոտությունների աջակցության ծրագիր - 2025» մրցույթին ներկայացված «Պրոբիոտիկների ազդեցությունը հավերի աղիքային միկրոբիոտայի վրա՝ ԴՆԹ-ի մեթիլացումը» անվանումով գիտական թեմայի հայտը երաշխավորել ՀՀ ԿԳՄՍՆ բարձրագույն կրթության և գիտության կոմիտե ներկայացնելու համար (թեմայի ղեկավար Միքայել Միքայելյան):

10. Դեվիդ Մխիթարի Միրզոյանի թեկնածուական ատենախոսության թեմայի և գիտական ղեկավարի հաստատման հարցի վերաբերյալ.

10.1. ՀԱԱՀ Ագրոբիզնեսի և տնտեսագիտության ֆակուլտետի Ագարային էկոնոմիկայի ամբիոնի հեռակա ուսուցման ասպիրանտ Դեվիդ Մխիթարի Միրզոյանի թեկնածուական ատենախոսության թեման հաստատել «Կադրային քաղաքականության հիմնահարցերը Հայաստանի Հանրապետության ագրոպարենային համակարգում և դրանց լուծման հնարավորությունները» անվանումով՝ Ը.00.02 - «Տնտեսության, նրա ոլորտների տնտեսագիտություն և կառավարում» մասնագիտությամբ:

10.2. Թեկնածուական ատենախոսության գիտական ղեկավար հաստատել տնտեսագիտության թեկնածու, դոցենտ Վարդան Սամվելի Ալեքսանյանին:

11. Տաթևիկ Արտակի Սարգսյանի թեկնածուական ատենախոսության գիտական ղեկավարի փոփոխության հարցի վերաբերյալ.

ՀԱԱՀ Անասնաբուժական բժշկագիտության և անասնաբուծության ֆակուլտետի Մորֆոլոգիայի և կենդանագիտության ամբիոնի հեռակա ուսուցման ասպիրանտ Տաթևիկ Արտակի Սարգսյանի՝ Զ.02.01 - «Գյուղատնտեսական կենդանիների բուծում, կերակրման և անասնաբուծության տեխնոլոգիա» մասնագիտությամբ «Սևանի իշխանը, որպես ակվակուլտուրայի նոր օբյեկտ» անվանումով թեկնածուական ատենախոսության գիտական ղեկավար հաստատել գյուղ. գիտ. դոկտոր, պրոֆեսոր Աշոտ Հովհաննեսի Հովհաննիսյանին:

12. Անուշ Պարզևի Տոնապետյանի թեկնածուական ատենախոսության գիտական ղեկավարի փոփոխության հարցի վերաբերյալ.

ՀԱԱՀ Ագրարային ճարտարագիտության ֆակուլտետի Ավտոտրակտորներ և գյուղատնտեսական մեքենաներ ամբիոնի հեռակա ուսուցման ասպիրանտ Անուշ Պարզևի Տոնապետյանի՝ Ե.20.01 - «Գյուղատնտեսական արտադրության մեքենայացում և մեքենաներ» մասնագիտությամբ «Արմատապտուղների բերքահավաքի փոքրաչափ մեքենայի մշակում և պարամետրերի հիմնավորում»

անվանումով թեկնածուական ատենախոսության գիտական ղեկավար հաստատել տեխ. գիտ. դոկտոր, պրոֆեսոր Արամայիս Մյասնիկի Եսոյանին:

13. Ա. Քոչինյանի անվան գյուղատնտեսական քոլեջի դուալ ուսուցման համակարգով կրթական ծրագրի հաստատման հարցի վերաբերյալ.

Հաստատել «Խմորման արտադրության տեխնոլոգիա և գինեգործություն» մասնագիտության «Տեխնոլոգ՝ խմորման արտադրության և գինեգործության» որակավորմամբ կրթական ծրագրի ուսումնական պլանը «Գինեգործություն (խաղողագործություն և էնոլոգիա)» կրթական ծրագրի նույն բովանդակությամբ:

14. Գևորգ Ռուբենի Նալբանդյանին ՀԱԱՀ բակալավրիատում ուսումը շարունակելու երաշխավորության հարցի վերաբերյալ.

Աստվածաբանության դոկտոր Գևորգ Ռուբենի Նալբանդյանին երաշխավորել ուսումը շարունակել ՀԱԱՀ Անասնաբուժական բժշկագիտության և անասնաբուժության ֆակուլտետի «Անասնաբուժություն» մասնագիտության առկա ուսուցման համակարգի բակալավրիատում:

15. Միջազգային կապերի դեպարտամենտի կողմից մշակված փաստաթղթերի հաստատման հարցի վերաբերյալ.

15.1. Հաստատել «Հայաստանի ազգային ագրարային համալսարանի արտաքին կապերի և միջազգային համագործակցության քաղաքականությունը 2024-2029» փաստաթղթում առաջարկվող փոփոխությունները:

15.2. Հաստատել «Հայաստանի ազգային ագրարային համալսարանի «միջազգայնացումը տանը» քաղաքականությունը 2024-2029» փաստաթուղթը:

16. Ցերեկային ուսուցման մագիստրատուրայի դասընթացները օրվա ցերեկային ժամերին կազմակերպելու առաջարկության վերաբերյալ.

Հանձնարարել դեկաններին ճշտել և մինչև ս.թ. սեպտեմբերի 30-ը ներկայացնել առաջարկություններ մագիստրատուրայի դասընթացների ձևաչափի և ժամանակի վերաբերյալ:

17. Համալսարանում ակադեմիական ազնվության պահպանման և գրագողության դեպքերի բացառման հարցի վերաբերյալ.

Գրագողություն կատարած ՀԱԱՀ աշխատակիցը չպետք է շարունակի իր գործունեությունը համալսարանում:

ԳԻՏ. ԽՈՐՀՐԴԻ ՆԱԽԱԳԱՀ՝

Հ.Ս. ԶԱՔՈՅԱՆ

ԳԻՏ. ԽՈՐՀՐԴԻ ՔԱՐՏՈՒՂԱՐ՝

Գ.Կ. ԱՎԱԳՅԱՆ